

mihi, insuper et noctibus erudierunt me renes mei.

Proponebam Dominum in <sup>4</sup> conspectu meo semper : quia à dextris meis est, ne commovear.

Propterea lætatum est cor meum, et exsultavit gloriâ mea : et caro mea habitabit confidenter.

## SALMO XVI.

<sup>4</sup> Audi Deus justum, intende deprecationem meam :

Auribus percipe orationem meam, absque labiis mendacibus.

De <sup>5</sup> vultu tuo iudicium meum prodeat : oculi tui videant æquitates.

Probasti cor meum, visitasti nocte : confasti me, et non invenisti : cogitatio mea utinam non transisset os meum.

In opere Adam in verbo labiorum tuorum, ego observavi <sup>6</sup> vias latronis.

Sustenta gressus meos in callibus tuis, et non labantur vestigia mea.

Ego invocavi te, quia exaudies me Deus : inclina aurem tuam mihi, audi eloquium meum.

Mirabiles fac misericordias tuas salvator sperantium, à resistentibus dexterae tuae.

Custodi me quasi <sup>7</sup> pupillam intus oculi, in umbra alarum tuarum protege me.

## SALMO XVII.

Diligam te Domine fortitudo mea :

<sup>9</sup> Dominus petra mea, et robur meum, et salvator meus :

Deus meus fortis meus, et sperabo in eo : scutum meum, et cornu salutis meae, susceptor meus.

Laudatum invocabo Dominum : et ab inimicis meis salvus ero.

Circumdederunt me funes mortis : et torrentes <sup>10</sup> diaboli terruerunt me.

Funes inferni circumdederunt me : praevenierunt me laquei mortis.

In tribulatione mea invocabo Dominum, et ad Deum meum clamabo.

Exaudiet de templo sancto suo vocem meam : et clamor meus ante faciem ejus veniet in aures ejus.

Commota est et contremuit terra : et fundamenta montium concussa sunt, et conquassata sunt, quoniam iratus est.

Ascendit tumor in iurore ejus : et ignis ex ore ejus devorans : carbones accensi sunt ab eo.

Non enim derelinques animam meam in inferno : nec dabis <sup>2</sup> sanctum tuum videre corruptionem.

Ostendes mihi semitam vitae, <sup>3</sup> plenitudinem lætitarum ante vultum tuum : decores in dextera tua æternos.

A facie impiorum vastantium me. Inimici mei animam meam circumdederunt.

Adipe suo concluserunt ; et ore locuti sunt superbè.

Incedentes adversum me, nunc circumdederunt me : oculos suos posuerunt declinare in terram.

Similitudo ejus quasi leonis desiderantis prædam : et quasi catuli leonis sedentis in absconditis.

Surge, Domine, præveni faciem ejus, incurva eum : salva animam meam ab impio, qui est gladius tuus.

A viris manus tuæ, Domine, qui mortui sunt in profundo : quorum pars in vita, et quorum de absconditis tuis replesti ventrem.

Qui satiabantur in filiis, et dimittent reliquias suas parvulis eorum.

Ego in iustitiâ videbo faciem tuam : <sup>8</sup> implebor cum evigilavero similitudine tuâ.

Inclinavit coelos et descendit : et caligo sub pedibus ejus.

Et ascendit super cherub et volavit : et volavit super pennas venti.

Posuit tenebras latibulum suum : in circuitu ejus tabernaculum ejus, <sup>11</sup> tenebrosas aquas in nubibus aeris.

Præ iullore in conspectu ejus nubes transierunt, grando et carbones ignis.

Et intonuit in coelis Dominus, et Altissimus dedit vocem suam, grandinem et carbones ignis.

Et misit sagittas suas et dissipavit eos, fulgura multiplicavit, et conturbavit illos.

Et apparuerunt effusiones aquarum, et revelata sunt fundamenta orbis.

Ab increpatione tua, Domine, ab inspiratione spiritus iuroris tui.

Misit de alto, et accipiet me, extrahet me de aquis multis.

Liberavit me de <sup>12</sup> inimico meo potentissimo, et de his qui oderunt me : quoniam robustiores me erant.

<sup>1</sup> coram me — <sup>2</sup> misericordem — <sup>3</sup> satietatem — <sup>4</sup> Audi Domine iustitiam — <sup>5</sup> conspectu tuo — <sup>6</sup> remittas — <sup>7</sup> filiam — <sup>8</sup> satiabor — <sup>9</sup> Domine — <sup>10</sup> Belial — <sup>11</sup> tenebrosa aqua — <sup>12</sup> inimicis meis potentissimis

Prævenierunt me in die afflictionis meae : et factus est Dominus firmamentum meum.

Et eduxit me in latitudinem : liberabit me quoniam placui ei.

Retribuet mihi Dominus secundum iustitiam meam : secundum munditiam manuum mearum reddidit mihi.

Quia custodivi vias Domini, et non egi impiè à Deo meo.

Omnia enim iudicia ejus in conspectu meo : et præcepta ejus non amovi à me.

Et fui immaculatus cum eo : et custodivi me ab iniquitate mea.

Et restituit mihi Dominus secundum iustitiam meam ; secundum munditiam manuum mearum in conspectu oculorum ejus.

Cum sancto sanctus eris, cum viro innocente innocenter ages.

Cum electo electus eris, et cum perverso subverteris.

Quia tu populum pauperem salvabis, et oculos excelsos humiliabis.

Quia tu <sup>1</sup> illuminabis lucernam meam : Domine Deus meus illustrabis tenebram meam.

In te enim <sup>2</sup> curro accinctus, et in Deo meo transiliam murum.

Deus immaculata via ejus, eloquium Domini examinatum : scutum est omnium sperantium in se.

Quoniam quis est Deus præter Dominum ? et quis fortis præter Deum nostrum ?

Deus qui accingit me fortitudine ; et posuit immaculatam viam meam.

Coæquans pedes meos cervis, et super excelsa mea statuens me.

Docens manus meas ad prælium, et com-

ponens quasi arcum æreum, brachia mea. Dedisti mihi clypeum salutis tuæ et dextera tua confortavit me, et mansuetudo tua multiplicavit me.

Dilatabis gressum meum subtus me, et non deficient tali mei.

Persequar inimicos meos et apprehendam, et non revertar donec consumam eos.

Cædam eos, et non poterunt surgere : cadent sub pedibus meis.

Et accinxisti me fortitudine ad prælium : incurvabis resistentes mihi sub me.

Inimicorum meorum dedisti mihi dorsum, et odientes me disperdidisti.

Clamabunt, et non erit qui salvet : ad Dominum, et non audiet eorum.

<sup>3</sup> Delebo eos ut pulverem ante faciem venti, ut lutum platearum projiciam eos

Salvabis me à contradictionibus populi, ponens me in caput gentium :

Populus quem ignoravi, serviet mihi : Auditione auris obaudiet mihi.

Filii alieni mentiuntur mihi ; filii alieni defluent, et contrahentur in angustiis suis.

Vivit Dominus et benedictus <sup>4</sup> Deus meus, et exaltabitur Deus salutis meae.

Deus qui das vindictas mihi, et congregas populos sub me.

Qui servas mihi ab inimicis meis, et à resistentibus mihi elevas me : à viro iniquo liberabis me.

Propterea confitebor tibi in gentibus Domine : et nomini tuo <sup>5</sup> cantabo.

Magnificanti salutes regis sui, et facienti misericordiam Christo suo, David et semini ejus usque in <sup>6</sup> æternum.

<sup>1</sup> illuminas — <sup>2</sup> curram post accinctos — <sup>3</sup> Comminuam — <sup>4</sup> fortis — <sup>5</sup> psallam — <sup>6</sup> sæculum — <sup>7</sup> semitam — <sup>8</sup> æternum — <sup>9</sup> obrizum

## SALMO XIX.

Exaudiat te Dominus in die tribulationis  
protegat te nomen Dei Jacob  
Mittat tibi auxilium de sancto : et de Sion ro-  
boret te.  
Memor sit omnis sacrificii tui, et holocaustum  
tuum pingue fiat. SEMPER.  
Det tibi secundum cor tuum, et omnem <sup>1</sup> vo-  
luntatem tuam impleat.  
Laudabimus in salutari tuo : et in nomine  
Dei nostri <sup>2</sup> ducemus.  
Impleat Dominus omnes petitiones tuas :

Nunc scio quoniam salvabit Dominus Christum  
suum :

Exaudiet eum de caelo sancto suo, in forti-  
tudinibus salutis dexteræ ejus.

Hi in curribus, et hi in equis : nos autem <sup>3</sup> in  
nomine Domini Dei nostri recordabimur.

Ipsi curvati sunt et ceciderunt : nos verò sur-  
reximus et erecti sumus.

Domine salva : rex <sup>4</sup> exaudiet nos in die, quã  
invocaverimus <sup>5</sup> eum.

## SALMO XX.

Domine in fortitudine tua lætabitur rex : et  
in salutari tuo exsultabit vehementer.

Desiderium cordis ejus dedisti ei, et volun-  
tate labiorum ejus non fraudasti eum. SEM-  
PER.

Quoniam <sup>6</sup> prævenies eum in benedictioni-  
bus bonitatis : pones in capite ejus coronam  
obrizam.

Vitam petivit à te, dedisti ei : longitudinem  
dierum in sæculum et in æternum.

Magna gloria ejus in salutari tuo : gloriam  
et decorem pones super eum.

Pones enim eum <sup>7</sup> benedictiones in sempiternum,  
exhilarabis eum lætitiã apud vultum  
tuum.

Quia rex confidet in Domino, et in misericor-  
dia excelsi non decipietur.

Inveniet manus tua omnes inimicos tuos :  
dextera tua inveniet odientes te.

Pones eos ut clibanum ignis in tempore vul-  
tûs tui : Dominus in furore suo præcipitabit  
eos, et devorabit eos ignis.

Fructum eorum de terra perdes, et semen  
eorum de filiis hominum.

Quoniam inclinaverunt super te malum, co-  
gitaverunt scelus quod non potuerunt.

Quoniam pones eos humerum : <sup>8</sup> funes tuos  
firmabis contra facies eorum.

Exaltare Domine in fortitudine tua, canta-  
bimus et psallemus fortitudinem tuam.

## SALMO XXI.

Deus meus, Deus meus, quare dereli-  
quisti me? longè à salute mea verba rugitûs  
mei.

Deus meus clamabo per diem, et non exau-  
dies : et nocte, nec est silentium mihi.

Et tu sancte : habitator, <sup>9</sup> Laus Israël.

In te confisi sunt patres nostri : confisi sunt,  
et salvasti eos.

Ad te clamaverunt, et salvati sunt : in te con-  
fisi sunt, et non sunt confusi.

Ego autem sum vermis et non <sup>10</sup> homo :  
opprobrium hominum et despectio <sup>11</sup> ple-  
bis.

Omnes videntes me, subsannant me : dimit-  
tunt labium, movent caput.

<sup>12</sup> Confugit ad Dominum, salvet eum : liberet  
eum, quoniam vult eum.

Tu autem propugnator meus ex utero : fidu-  
cia mea ab uberibus matris meæ.

In te projectus sum ex vulva : de ventre  
matris meæ Deus meus tu.

Ne longè fias à me, quoniam tribulatio proxi-  
ma : quoniam non est adjutor.

Circumdederunt me vituli multi : tauri  
<sup>13</sup> pingues vallaverunt me.

Aperuerunt super me os suum : leo capiens  
et rugiens.

Sicut aqua effusus sum, et separata sunt  
omnia ossa mea :

Factum est cor meum sicut cera liquefacta  
in medio ventris mei.

Aruit velut testa fortitudo mea, et lingua mea  
adhæsit faucibus meis, et in pulverem mortis  
detraxi me.

Quoniam circumdederunt me <sup>14</sup> venatores,  
consilium pessimorum vallavit :

Fixerunt manus meas, et pedes meos. Num-  
ravi omnia ossa mea :

<sup>1</sup> omne consilium tuum — <sup>2</sup> ducemus choros — <sup>3</sup> nominis Dei nostri — <sup>4</sup> exaudies — <sup>5</sup> te — <sup>6</sup> prævenisti —  
<sup>7</sup> benedictionem sempiternam — <sup>8</sup> nervos — <sup>9</sup> laudes — <sup>10</sup> vir — <sup>11</sup> populi — <sup>12</sup> Revelat Domino — <sup>13</sup> basas —  
<sup>14</sup> canes

Quæ ipsi respicientes viderunt in me. Divi-  
serunt vestimenta mea sibi : et super vesti-  
mentum meum miserunt sortem.

Tu autem Domine ne longè fias : fortitudo  
mea in auxilium meum festina.

Erue à gladio animam meam : et de manu  
canis solitariam meam.

Salva me ex ore leonis, et de cornibus uni-  
cornium exaudi me.

Narrabo nomen tuum fratribus meis : in me-  
dio Ecclesiæ laudabo te.

Timentes Dominum laudate eum : omne se-  
men Jacob glorificate eum, et metuite eum uni-  
versum semen Israël.

Quoniam non despexit neque contempsit  
modestiam pauperis, et non abscondit faciem  
suam ab eo : et cum clamaret ad eum, exau-  
divit.

Apud te laus mea in ecclesia multa : vota

mea reddam in conspectu timentium eum.  
Comedent mites, et saturabuntur, lauda-  
bunt Dominum quærentes eum : vivet cor ves-  
trum in sempiternum.

Recordabuntur et convertentur ad Dominum  
universi fines terræ :

Et adorabunt coram te universæ cognatio-  
nes gentium.

Quia Domini regnum, et dominabitur genti-  
bus.

Comederunt et adoraverunt omnes pingues  
terræ ante faciem ejus, curvabunt omnes qui  
descendunt in pulverem, et anima ejus non  
vivet.

Semen serviet ei, narrabitur Domino in ge-  
neratione.

Venient et annuntiabunt justitiam ejus po-  
pulo qui nascetur, quam fecit.

## SALMO XXII.

Dominus <sup>1</sup> pascit me, nihil mihi deerit.

In pascuis herbarum accubavit me : super  
aquas refectionis enutrivit me.

Animam meam refecit : duxit me per semi-  
tas justitiæ propter nomen suum.

Sed et si ambulavero in valle umbræ mortis,  
non timebo malum, quoniam tu mecum :

Virga tua et baculus tuus, ipsa consolabun-  
tur me.

Pones coram me mensam, ex adverso hos-  
tium meorum : impinguasti in oleo caput  
meum, calix meus inebrians.

Sed et benignitas et misericordia subse-  
quentur me, omnibus diebus vitæ meæ : et ha-  
bitabo in domo Domini, in longitudine dierum.

## SALMO XXIII.

Domini est terra et plenitudo ejus : orbis et  
habitatores ejus.

Quia ipse super maria fundavit <sup>2</sup> eam, et su-  
per flumina stabilivit eam.

Quis ascendet in montem Domini : <sup>3</sup> et quis  
stabit in loco sancto ejus?

Innocens manibus, et mundo corde : qui non  
exaltavit frustrâ animam suam, et non juravit  
dolosè.

Accipiet benedictionem à Domino, et justi-  
tiam à Deo salutari suo.

Hæc generatio quærentium eum, quæren-  
tium faciem tuam Jacob. SEMPER.

Levate portæ capita vestra, et elevamini  
januæ sempiternæ, et ingrediatur rex gloriæ.

Quis est iste rex gloriæ? Dominus fortis et  
potens : Dominus fortis in prælio.

Levate portæ capita vestra : et <sup>4</sup> erigite ja-  
nuæ sempiternæ, et ingrediatur rex gloriæ.

Quis est iste rex gloriæ? Dominus exerci-  
tuum : ipse est rex gloriæ. SEMPER.

## SALMO XXIV.

Ad te Domine animam meam levo.

Deus meus in te fisus sum, ne confundar,  
ne <sup>5</sup> latentur inimici mei.

Sed et universi qui sperant in te non confun-  
dantur : confundantur qui iniqua gerunt frus-  
trâ.

Vias tuas Domine ostende mihi, semitas tuas  
doce me.

Deduc me in <sup>6</sup> veritate tua, et doce me : quia  
tu Deus Salvator meus, te expectavi totâ die.

Recordare miserationum tuarum Domine, et  
misericordiarum tuarum, quia à sæculo sunt.

Peccatorum adolescentiæ meæ, et scelerum  
meorum ne memineris : secundum misericor-  
diam tuam recordare mei tu, propter bonita-  
tem tuam Domine.

<sup>1</sup> Pastor meus — <sup>2</sup> eum — <sup>3</sup> aut quis — <sup>4</sup> erigimini — <sup>5</sup> neque exsultent in me — <sup>6</sup> in virga tua

Bonus et rectus Dominus : propterea docebit peccatores in via.

Deducet mansuetos in iudicio, et docebit modestos viam suam.

Omnes semitæ Domini misericordia et veritas : his qui custodiunt pactum ejus, et testificationes ejus.

Propter nomen tuum Domine propitiare iniquitati meæ, quoniam grandis est.

Quis est iste vir timens Dominum? quem docebit in via quam elegerit.

Anima ejus in bono commorabitur, et semen ejus hereditabit terram.

Secretum Domini timentibus eum, et pactum suum ostendit eis.

## SALMO XXV.

Judica me Domine, quia ego in simplicitate mea ambulavi : et in Domino confidens non deficiam.

Proba me Domine, et tenta me :<sup>2</sup> ure renes meos et cor meum.

Quia misericordia tua in conspectu oculorum meorum, et ambulabo in veritate tua.

Non sedi cum viris vanitatis, et cum superbis non ingrediar.

Odivi ecclesiam pessimorum, et cum<sup>3</sup> iniquis non sedebo.

Lavabo in innocentia<sup>4</sup> manus meas, et circumbo altare tuum Domine.

## SALMO XXVI.

Dominus lux mea, et salutare meum, quem timebo?

Dominus fortitudo vitæ meæ, quem formidabo?

Quum appropinquarent mihi maligni ut comederent carnem meam :

Hostes mei, et inimici mei ipsi impegerunt et ceciderunt.

Si steterint adversus me castra, non timebit cor meum :

Si surrexerit contra me bellum, in hoc ego confidam.

Unum petii à Domino, hoc requiram, ut habitem in domo Domini omnibus diebus vitæ meæ :

Ut videam pulchritudinem Domini, et attendam in templum ejus.

Abscondet enim me in umbra sua in die pessima ;

Abscondet me in secreto tabernaculi sui, in petra exaltabit me.

<sup>1</sup> Multiplicata — <sup>2</sup> confla — <sup>3</sup> impiis — <sup>4</sup> palmas — <sup>5</sup> Ne apponas — <sup>6</sup> Illustra — <sup>7</sup> decantatores

Oculi mei semper ad Dominum : quia ipse educet de reti pedes meos.

Respice in me et miserere mei : quoniam solus et pauper ego.

Tribulationes cordis mei<sup>1</sup> amplificatæ sunt : de angustiis meis educ me.

Vide afflictionem meam et laborem meum, et porta omnia peccata mea.

Vide inimicos meos, quoniam multiplicati sunt : et odio iniquo oderunt me.

Custodi animam meam, et libera me, non confundar, quoniam speravi in te.

Simplicitas et æquitas servabunt me : quia exspectavi te.

Redime Deus Israël, ex omnibus angustiis suis.

Ut clarâ voce prædicem laudem, et narrem omnia mirabilia tua.

Domine dilexi habitaculum domus tuæ, et locum tabernaculi gloriæ tuæ.

Ne<sup>5</sup> auferas cum peccatoribus animam meam, et cum viris sanguinum vitam meam.

In quorum manibus scelus, et dextera eorum repleta est muneribus.

Ego autem in simplicitate mea gradiar, redime me, et miserere mei.

Pes meus stetit in recto : in ecclesiis benedicam Domino.

Nunc quoque exaltavit caput meum super inimicos meos qui sunt in circuitu meo ;

Et immolabo in tabernaculo ejus hostias jubili : cantabo et psallam Domino.

Audi Domine vocem meam invocantis, et miserere mei, et exaudi me.

Tibi dixit cor meum, quæsit vultus meus : faciem tuam Domine requiram.

Ne abscondas faciem tuam à me, ne declines in furore tuo à servo tuo ;

Auxilium meum fuisti : ne derelinquas me, et ne dimittas me Deus salvator meus.

Pater enim meus et mater mea dereliquerunt me : Dominus autem collegit me.

<sup>6</sup> Ostende mihi Domine viam tuam, et deduc me in semita recta propter<sup>7</sup> insidiatores meos.

Ne tradas me animæ tribulantium me : quoniam surrexerunt contra me testes falsi, et apertum mendacium.

<sup>1</sup> Ego autem credo, quòd videam bona Domini in terra viventium.

Exspecta Dominum, confortare, et roboretur cor tuum, et sustine Dominum.

## SALMO XXVII.

Ad te Domine clamabo, fortis meus, ne obsurdescas mihi : ne fortè tacente te mihi, comparer his qui descendunt in lacum.

Audi vocem deprecationum mearum, quum clamavero ad te, quum levavero manus meas ad oraculum sanctum tuum.

Ne trahas me cum impiis et cum operantibus iniquitatem, qui loquuntur pacem cum<sup>2</sup> amicis suis : et est malum in corde eorum.

Da eis secundum opus suum, et secundum malum adinventionum suarum.

Juxta opus manuum suarum da eis : reddere retributionem suam illis.

Quoniam non intelligunt in opera Domini, et

opus manuum ejus : destrues eos et non ædificabis :

Benedictus Dominus quia audivit vocem deprecationis meæ.

Dominus fortitudo mea et scutum meum, in ipso confisus est cor meum, et habui adjutorium :

Gavisum est cor meum, et in cantico meo confitebor illi.

Dominus fortitudo eorum : et robor salutarium Christi sui est.

Salva populum tuum et benedic hereditati tuæ : et pasce eos et subleva eos usque in<sup>3</sup> sempiternum.

## SALMO XXVIII.

Afferte Domino filios arietum : afferte Domino gloriam et<sup>4</sup> imperium.

Afferte Domino gloriam nomini ejus : adorate Dominum in decore sancto.

Vox Domini super aquas, Deus gloriæ intonuit : Dominus super aquas multas.

Vox Domini in fortitudine : vox Domini in decore.

Vox Domini confringentis cedros : et confringet Dominus cedros Libani.

Et disperget eas quasi<sup>5</sup> vitulum : Liba-

num et Sarion quasi filium rhinocerotum. Vox Domini dividens flammam ignis.

Vox Domini parturire faciens desertum ; parturire faciet Dominus desertum Cades.

Vox Domini obstetricans cervas, et revelans saltus, et in templo ejus omnis loquitur gloriam.

Dominus diluvium inhabitat : et sedebit Dominus rex in æternum.

Dominus fortitudinem populo suo dabit : Dominus benedicet populo suo in pace.

## SALMO XXIX.

Exaltabo te Domine quoniam salvasti me : et non<sup>6</sup> delectasti inimicos meos super me.

Domine Deus meus, clamavi ad te et sanasti me.

Domine eduxisti de inferno animam meam : vivificasti me, ne descenderem in lacum.

<sup>7</sup> Cantate Domino<sup>8</sup> sancti ejus : et confitemini memoriæ sanctitatis ejus.

Quoniam ad momentum est ira ejus, vita in reprobatione ejus.

Ad vesperum commorabitur fletus, et in matutino laus.

Ego autem dixi in abundantia mea : Non commovebor in<sup>9</sup> sempiternum.

Domine in voluntate tua statuisti monti meo fortitudinem :

Abscondisti faciem tuam, et factus sum conturbatus.

Ad te Dominum clamabo, et ad Dominum deprecabor.

Quæ est utilitas in sanguine meo, quum descendero in corruptionem?

Numquid confitebitur tibi pulvis? aut annuntiabit veritatem tuam?

Audi Domine et miserere mei : Domine esto adjutor mihi.

Convertisti planctum meum in chorum mihi : solvisti saccum meum, et accinxisti me lætitiâ.

Ut<sup>10</sup> laudet te gloria et non taceat, Domine Deus meus, in<sup>11</sup> sempiternum confitebor tibi.

<sup>1</sup> Nisi ego credidissem quòd viderem bona Domini — <sup>2</sup> sodalibus — <sup>3</sup> sæculum — <sup>4</sup> fortitudinem — <sup>5</sup> vitulus Libani, et Sarion quasi filius rhinocerotis — <sup>6</sup> lætificasti — <sup>7</sup> Psallite — <sup>8</sup> misericordes — <sup>9</sup> sæculum — <sup>10</sup> psallat tibi — <sup>11</sup> sæculum

## SALMO XXX.

In te Domine speravi non confundar in æternum : in justitia tua<sup>2</sup> salva me.  
Inclina ad me aurem tuam velociter, libera me.

Esto mihi in lapidem fortissimum, in domum munitam ut salves me.

Quia petra mea, et munitio mea tu : et propter nomen tuum deduces me, et enutries me.

Educes me de reti quod absconderunt mihi : quia tu fortitudo mea.

In manu tua commendabo spiritum meum : redemisti me Domine Deus veritatis.

<sup>3</sup> Odivi custodientes vanitates frustra :

Ego autem in Domino confisus sum.

Exultabo et lætabor in misericordia tua, quia vidisti afflictionem meam : cognovisti tribulationes animæ meæ.

Et non conclusisti me in manu inimici : stautuisti in latitudine pedes meos.

Miserere mei Domine quoniam tribulor, caligavit in furore oculus meus : anima mea et venter meus.

Quia consumptæ sunt in mœnore vitæ meæ, et anni mei in gemitu :

Infirmata est in iniquitate mea fortitudo mea : et ossa mea contabuerunt.

Apud omnes hostes meos factus sum opprobrium, et vicinis meis nimis, et timor notis meis : qui videbant me in plateis, fugiebant à me.

Oblivioni traditus sum quasi mortuus à corde : factus sum sicut vas perditum.

Audivi enim opprobrium multorum, congregationem in circuitu ;

Cùm inirent consilium adversum me : et ut auferrent animam meam cogitaverunt.

Ego autem in te speravi Domine : dixi Deus meus tu.

In manu tua tempora mea : libera me de manu inimicorum meorum, et persequentium me.

<sup>4</sup> Illumina faciem tuam super servum tuum : salva me in misericordia tua.

Domine non confundar, quia invocavi te : confundantur impii, taceant in inferno.

Muta fiant labia mendacii : quæ loquuntur contra justum<sup>5</sup> vetera, in superbia et despectione.

Quàm multa est bonitas tua, quam abscondisti timentibus te !

Operatus es sperantibus in te ; in conspectu filiorum hominum.

Abscondes eos in protectione vultus tui, à duritia viri : abscondes eos in umbra à contradictione linguarum.

Benedictus Dominus, qui mirabilem fecit misericordiam suam mihi, in civitate munita.

Ego autem dixi in stupore meo : projectus sum de conspectu oculorum tuorum.

Ergone audisti vocem deprecationis meæ : quum clamarem ad te ?

Diligite Dominum omnes<sup>6</sup> sancti ejus, fideles servat Dominus : et retribuit his qui satis operantur superbiam.

Confortamini, et roboretur cor vestrum, omnes qui expectatis Dominum.

## SALMO XXXI.

Beatus cui dimissa est iniquitas, absconditum est peccatum.

Beatus homo cui non imputabit Dominus iniquitatem : nec est in spiritu ejus dolus.

Quia tacui, attrita sunt ossa mea : in rugitu meo totà die.

Die enim et nocte gravatur super me manus tua : versatus sum in miseria mea, quum exardesceret messis. **JUGITER.**

Peccatum meum notum facio tibi : et iniquitatem meam non abscondi.

Dixi confitebor scelera mea Domino : et tu<sup>7</sup> dimisisti iniquitatem peccati mei. **SEMPER.**

Pro hac orat omnis<sup>8</sup> sanctus ad te : ad tempus inveniens ;

Ut quum inundaverint aquæ multæ, ad illum non accedant.

Tu protectio mea, ab hoste custodies me, laus mea salvans : circumdabis me. **SEMPER.**

<sup>9</sup> Erudiam te, et illuminabo tibi viam per quam ambules : cogitabo de te oculo meo.

Nolite fieri sicut equus et mulus, quibus non est intelligentia :

In campo et freno maxillas<sup>10</sup> ejus constringis, ut non appropinquet ad te.

Multi dolores impii : confidentem autem in Domino misericordia circumdabit.

Lætamini in Domino et exultate justi : et laudate omnes recti corde.

1 sæculum — 2 eripe — 3 Odisti — 4 Ostende — 5 dura — 6 misericordes — 7 abstullisti — 8 misericors — 9 Docebo te, et monstrabo — 10 eorum constringe, qui non accedunt

## SALMO XXXII.

Laudate justi Dominum, rectos decet laudatio.

Confitemini Domino in cithara : in psalterio decachordo psallite ei.

Cantate ei canticum novum : <sup>1</sup> bene psallite in jubilo.

Quia rectum est verbum Domini : et omne opus ejus in fide.

Diligit justitiam et judicium : misericordia Domini plena est terra.

In verbo Domini coeli facti sunt : et spiritu oris ejus omnis ornatus eorum.

Congregans quasi in utre aquas maris : ponens in thesauris abyssos.

Timeat Dominum omnis terra : ipsum formident universi habitatores orbis.

Quia ipse dixit et factus est : ipso præcipiente stetit.

Dominus solvit consilium gentium : irritas fecit cogitationes populorum.

Consilium Domini in æternum stabit : cogitationes cordis ejus in generatione et generatione.

Beata gens cujus Dominus Deus ejus : populus quem elegit in hereditatem sibi.

De coelo prospexit Dominus : vidit omnes filios Adam.

De firmissima sede sua prospexit ad universos habitatores terræ.

Figens pariter cor eorum : intelligens omnia opera eorum.

Non salvabitur rex in multitudine exercitus : nec fortis liberabitur in multiplicatione virtutis.

Fallax equus ad salutem : et in multitudine roboris sui non salvabit.

Ecce oculus Domini super timentes eum : ad expectantes misericordiam ejus.

Ut eruat de morte animas eorum, et vivificet eos in fame.

Anima nostra expectavit Dominum : auxilium nostrum et clypeus noster est.

In ipso enim lætabitur cor nostrum : quia in nomine sancto ejus speravimus.

Sit misericordia tua Domine super nos, sicut expectavimus te.

## SALMO XXXIII.

Benedicam Dominum in omni tempore : semper laus ejus in ore meo.

In Domino<sup>2</sup> laudabitur anima mea : audient mites et lætentur.

Magnificate Dominum mecum, et exaltemus nomen ejus pariter.

Quæsi Dominum, et exaudivit me : et ex omnibus angustiis meis liberavit me.

Respicite ad eum et confluite, et vultus vestri non confundentur.

Hic pauper clamavit, et Dominus exaudivit : et de omnibus tribulationibus ejus salvavit eum.

Circumdabit Angelus Domini in gyro timentes eum, et eruet eos.

Gustate et videte quoniam bonus Dominus : beatus vir qui sperat in eo.

Timeat Dominum sancti ejus : quoniam non est inopia timentibus eum.

Leones indiguerunt et esurierunt : quærentibus autem Dominum, non deerit omne bonum.

<sup>3</sup> Venite filii audite me, timorem Domini docebo vos.

Quis est vir qui velit vitam diligens dies videre bonos ?

Custodi linguam tuam à malo : et labia tua ne loquantur dolum.

Recede à malo, et fac bonum : quære pacem, et persequere eam.

Oculi Domini ad justos, et aures ejus ad clamores eorum.

Vultus Domini<sup>4</sup> super facientes malum : ut perdat de terra memoriam eorum.

Clamaverunt et Dominus exaudivit, et ex omnibus tribulationibus eorum liberavit eos.

Juxtà est Dominus contritis corde, et contractos spiritu salvabit.

<sup>5</sup> Multæ tribulationes justo, et ex omnibus illis liberabit eum Dominus.

Custodit omnia ossa ejus : unum ex eis non confringetur.

Interficiet impium malitia, et odientes justum culpabuntur.

Redimet Dominus animas servorum suorum, et non<sup>6</sup> peccabunt omnes sperantes in eo.

1 diligenter — 2 lætabitur — 3 Ambulate — 4 in — 5 Multa mala — 6 culpabuntur